

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 14 July, 2014 (A)

Pelantikan Nazir pelan strategik ganti pengurusan tertinggi CIMB

Secara umumnya di dalam ruang amalan tadbir urus, seseorang Ketua Pegawai Eksekutif (CEO) yang kemudiannya mengambil alih kerusi pengurus di organisasi yang sama dalam tempoh dua tahun adalah tidak digalakkan.

Ini disebabkan pengaruhnya yang terlalu tinggi ke atas Lembaga Pengarah. Selain itu, CEO yang baharu boleh mengalami kesukaran untuk menguruskan operasi tanpa gangguan dan pengaruh daripada pengurus.

Bagaimanapun, di dalam kes Datuk Seri Nazir Razak, pelantikannya sebagai Pengurus CIMB Group Holdings Berhad setelah berkhidmat sebagai CEO Kumpulan, mempunyai meritnya tersendiri. Beliau mempunyai lebih 15 tahun pengalaman di dalam Kumpulan CIMB, yang mana tidak ramai yang memiliki pengetahuan dalam menguruskan konglomerat perbankan seperti ini.

Tambahan lagi, kumpulan perbankan berke-

naan kini bercadang untuk melaksanakan proses penggabungan & pengambilalihan (M&A) di mana ia memerlukan kepimpinan tertinggi untuk memastikan ia memanfaatkan syarikat. Komposisi Lembaga Pengarah pula, nampaknya masih mempunyai majoriti Pengarah Bebas untuk mengimbangi Lembaga Pengarah.

Kami juga melihat bahawa pelantikan beliau adalah sebagai satu pelan penggantian pengurusan tertinggi di dalam syarikat memandangkan syarikat terbabit akan mendapat CEO baharu sementara menunggu kelulusan pihak kawal selia.

Kami berharap Lembaga akan menangani sebarang isu urus tadbir korporat sekiranya timbul dalam tempoh peralihan ini.

Mengenai pengumuman penggabungan di antara CIMB, RHB dan MBSB, cadangan penggabungan terbabit boleh dinilai apabila maklumat yang lebih



←
**RITA BENOY
BUSHON**

lanjut diperoleh.

Bagaimanapun, pengumuman awal menunjukkan bahawa gabungan ini akan membentuk sebuah konglomerat kewangan dengan pengasingan bahagian kewangan Islamik dan konvensional untuk mengambil peluang daripada pembentukan platform yang lebih luas.

 **Penulis** ialah
Ketua Eksekutif Badan
Pengawas Pemegang
Saham Minoriti Bhd